

Кузь нэм да бур шуд!



Эжва йывлөн слава Алексей Дмитриевич Игнатов

Чужис 1938 вося март 14 лунё Сордйылын. Сыктывкарын вёрса школа помалом бõрын уджалис Помõсдинса лесхозын, Алма-Атаса мединститут помалом бõрын - Гурьев карын врач-стоматологон, сесся - Помõсдинса больничаян, 17 во веськõдлис сийõн.

Гõтырыскõд быдтис да велõдис кык челядьõс.

Бур уджысь сетисны Коми республикаса заслуженной врачлысь ним, «Уджвывса ветеран» медаль.

Кувсис 2007 вося октябр 14 лунё Помõсдинын.



Дардина

Эжва йывса войтырлõн газет

Петõ 1929 восянь

Четверг, 2011 вося июнь 23 лун 75 (10350)-õд №

Õтка пунтõ
тõв, кыдзи
вермõ,
сидзи и
куснялõ

(коми шусьõг)

Тõдõй, мый вильыс

РАЙСÕВЕТЛÕН ЧУКÕРТЧЫЛÕМ

Июнь 21 лунõ вõли райсõветлõн заседание.

Депутатяс донъялисны кызысьс унджык видлалантор.

Регистрируйтисны «Единая Россия» партияõ пырысь райсõветса депутатяслысь да «Справедливая Россия» партияõ пырысь райсõветса депутатяслысь котырыяс.

Бõрынджык вõлины депутатской кывзõмъяс. Сёрнитисны, кыдзи бурджыка вõдитчыны районса муниципалитетлõн эмбурõн.

КАЗЫШТИСНЫ УСЬÕМЪЯСÕС

Матõ сё морт чукуртчылыс Кулõмдинын июнь 21 лунõ дас õти час вой бõрын Великой Отечественной война вильын усьюмъяслы сувтõдõм монумент дорын, кõни мõдõд во нин пунктõны сисьяс.

Районса администрациясы специалист А.В.Калиниченко, физкультура, спорт да туризм юкõнõн веськõдлысь В.И.Уляшев казыштитисны чужан му вõсна юр пунктсыясõс, налысь подвигъяс. Чукуртчылысьяс пунктисны монумент дорõ õзтõм сисьяс. Ульянаса монастырысь вежа ай Антоний нуõдис лития.

ТОМ ЙÕЗЛЫ СИÕМÕН

Том йõзлõн лунлы сиõмторъяс районнын мунасны июнь 24 лунсянь июль 9 лунõдз.

Сэтчõ пырõны Кулõмдинын кõлысь, быдлаын школа помалан рытъяс, юрситын фотовыставка, енõна том йõзõс нимõдõм, наркотикъяслы паньд сулалõм, стритбол да пызанывса теннис кузя ордысьõм, Мордовиясы да Коми-Пермяк кытшысь том котырыслõн гажõдõм, «Брейн-ринг» ворсõм, футбол да волейбол кузя ордысьõмъяс, семьяслõн спортын петкõдчõмъяс да с.в.

ПЕТКÕДЧАС «ПОДОРОЖНИК»

Кулõмдинын июнь 26 лунõ медводдзаясь петкõдчасны асланыс спортивной программаõн быдлати ветлыны вермысь машинаяс.

Татчõ кежаласны Сыктывкарысь «Подорожник» автоклубõ пырысьяс, кодъяс татшõм машинаясõн вуджõны Сыктывкарысь Воркутаõ. Петкõдчасны районса администрациялõн керка сайын.

СÕСТÕММÕДИСНЫ СИКТ

Ручын бура уджалис велõдчысыслõн квайт морта котыр.

Юрнуõдисны велõдысьяс Е.А.Холопова да Т.В.Игнатова. Томъяс весалисны да дзоньталисны ва струбаяс, вõчисны да краситисны лõп-õг чукуртан ящикъяс да мукõдтор. Вештысис уджõн могодõн шõрин.

МЫЖАÕСЬ ЙÕЗ

Май витõд лунсянь районса вõръясын õз-йылис нин кõкъямысысь.

Медся ыджыда сотчис Вочса лесничестваын, кõни õзйылис кыкысь да би чискалис 16 гектар вõр. Кулõмдинса да Немдинса лесничестваын õзйылис куимысь.

Медсяõ õзйõ йõзлõн биõн лёка вõдитчõмысь. Асланым да общ. корреспондентъяс.



Июнь 22 лун мян страналõн историяын колис шогалан пасõн. 70 во сайын пансис Великой Отечественной война, кодõ вайис ыджыд шог да воштõм.

Юрситын паметьлõн да шогалõмлõн лунлы сиõм митинг вылõ, кодõ мунис усьюм воинъяслõн пас дорын, чукуртчылысны войнаса ветеранъяс, Ленинградса блокадаõ веськавлõмаяс, тылын уджалысьяс, войнаса челядь, школаын велõдчысыя да мукõд. Восьтис митингõ Кулõмдин администрацияõн веськõдлысьлысь могояс оломо портысь С.В.Рубан.

Сёрнитисны и районса юралысь Д.А.Шатохин, ветеранъяслõн райсõветõн веськõдлысь Г.А.Кравченко. Казыштитисны биа тышгясõн ыгыялысь война йылысь, кõни мян салдатъяс пасвартисны вõрõгõс, унаõн сетисны оломысь мездлун вõсна. Найõ пыр кежлõ колясны мян паметьын. Паметьын кутам и тылын уджалысьяслысь фронтлы ыджыд отсõг сетõмсõ. Усьõмаясõс казыштитисны чõв оломо да ловъя дзоридзьяс пунктõмõн.

Гижõд да снимогыяс Галина НЕСТЕРОВАЛÕН.

КОМИ РЕСПУБЛИКАЫН

ВИДЗÕДЛИС ЭТНОПАРК

Коми республикаса юралысь Вячеслав Гайзер видзõдлис Сыктывдин районса Ыб сиктын фин-йõгра этнокультурной парк вõчõм.

«Кõtь кутшõм стрõйба - сийõ ловъя лов, вермасны лоны вежсьõмъяс, мый вõсна оз портсыны оломо ас кадõ мовыштõмторъяс. Медым татшõмторйыс лоис кыдз позьõ этшаджык, парк вõчõм бõрся сюся видзõдõ архитектуралõн министерство. Сылõн юоряс серти и сы серти, мый ме ачым талун аддзи аслам синъясõн, позьõ шуны, мый таво кежлõ урчитõмторъяс лõо портõма оломо ас кадõ», - кывкõртис В.Гайзер.

Республикаса юралысь видзõдлис пыран котырõ пырысь стрõйбаяс, конгресс-холл да гостиница, кõни õни вõчõны нин пытшкõсса уджъяс, номерной фондлысь юкõн, кодõс дзоньталõм регыд помасяс. «Зэв мича», - донъялис õти номерлõн õшинь пыр видзõдõмõн республикаса юралысь да тõдчõдис:

СУДЗÕДÕЙ ДА ЛЫДДÕЙ «ПАРМА ГОР»

Апрель 1 лунсянь нин мунõ 2011 волõн мõд джын кежлõ газетъяс да журналъяс вылõ гижõдõм, на лыдын и районса «Парма гор» газет вылõ. Гижõдасны июнь помõдз. Кадыс колис этша нин, тэрмасьõй почта вылõ.

«Пытшкõсас мед вõли татшõм жõ».

Вячеслав Гайзер торйõн сувтлис парк сõстõммõдõм вылõ. Юралысь юалис, кутшõмõн лõо сийõ стрõйтõм эштõдõм бõрын. Республикасысь архитектура, стрõйтчõм да коммунальной овмõс кузя министрõс вежысь Николай Сорока республикаса юралысьлы висьталис, мый шõр уджъяс эштõм бõрын стрõитны отсаянторъяс татысь нуасны, а мусõ пыльõдасны. «Местаяс, кõни оз лоны подõн ветланинъяс, вольсаласны кõжаõн. Тайõс вõчасны праздникõдз. Таво лõсьõдны туруна веркõс оз артмы: турун оз удит быдмыны. Кõжасõ вольсалам сы могоысь, медым татчõ локтысьяс эз веськавны няйтõ», - вочавидзис Н.Сорока.

В.Гайзер нõшта отчыд тõдчõдис чина мортлы, медым этнопарк восьтйкежлõ некутшõм лõп-õг да коляс тани эз вõв. «Эн вунõдõй та йылысь, медым сõстõммõдчан уджъяс эз ковмы вõчны бõръя здукõ, тэрмасьõмõн да кыдз веськалõ. Лоас кõtь кутшõм поведдя, локтысьяс мед эз веськавны няйтõ», - тõдчõдис В.Гайзер.

КОМИИНФОРМ.

«Парма гор» вылõ судзõдан доныс татшõм: õти тõлысь кежлõ - 50 шайт 79 кõпейка; 3 тõлысь кежлõ - 152 шайт 37 кõпейка; 6 тõлысь кежлõ - 304 шайт 74 кõпейка.

Кулõмдинсалы позьõ судзõдны редакция пыр, газетõ сатысь босьтõмõн. Сувтас донтõмджык. РЕДАКЦИЯ.

МЫЙ МЕДОНА



Кулөмдинса шөр котельнойысь мастер Валентин Вячеславович Напалков:

«Колө уджавны зіля да кывкутөмөн. Кыдзи төе кежлө дасьтысян,
сідзи и төвъян».



МИЯНЛЫ
ГИЖОНЫ

ВЕЛӨДИС СТЕПАН ИВАНОВИЧ

Витөд классянь миянкөд Степан Иванович Размыслов. Велөдө коми кыв, технология. Сійо зэв шань да небыд сёлөма.

Велөдис миянос водитчыны пуон, вочавны сысысь быдсаматорсө. Бөрүнджык уджалім и станок вылын. Мыйкө кө оз артмы, Степан Иванович пыр жө матыстчас да отсалас, висьталас, кыз да мый вочны. Оні кө ме сувта станок сайб, ставсө на помнита. Квайтөд классын велөдім «Электричество» тема. Медводдза урокъяс вылын велөдысь лыддис бытгө висьт, мый позь вочны, а мый оз, кызди видзчысьны доймөмысь да с.в. Урок дырйи Степан Иванович шулис: «Көді водзджык чукортас электрической цепсө, сійо и водзджык петас классысь». Зілим ставөн. А сизимөд классын ми велөдчим водитчыны көртөн. Ачыс мыйкө вочас и миянос тшөктас вочны. Петкөдлас быд деталь да висьталас, мед гөгорвоны лючки. Гортын джаджыкын оні на куйлө леменьысь кытш, кодөс вөчлі аслам кион. Көкъямысөд классын ми вуджим мөд мастерской. Тан ми вөчалім сійос, мый медводз колө школалы. Чайта, меным ковмас олөмын, мыйо велөдис Степан Иванович.

Тимофей ОПАРИН,
9 классын велөдчысь.

Помөсдин.

ОТСАЛӨМЫСЬ АТТӨ

Садйын челядьос быдтөм-велөдөм - зэв төдчана тшупөд. Сійо - водзө олөмлы подув. Төждысьны ичөгъяс вөсна, вичмөдны налы поныдлун да мелі-лун, пуктыны вын, медым лоисны дзоньвидзаон да шаньон, сетны медводдза төдөмлунъяс да олан сям - зэв пыдди пуктана мог. Тайо мөгсө миян садса котырысь да бать-мамысь кындзи ыджыда кывкутөмөн пөртө олөмө Югыдъягысь ас выло уджалысь Виктор Васильевич Белый, некымын во нин отсалө миян десады. Таысь сылы ыджыд аттө, сиам ён дзоньвидзалун, кузь нэм, уджын выль вермөмъяс, аския лунө эскөм. Мед и водзө збыльмасны шань мортлөн көйөмъясыс.

Надежда ЕГОРОВА,
детсадыон веськөдлысь.

Белоборск.

АБУТӨМ ПЫЖ-МОТОРЫСЬ

Советской Союз дырйи на, ылөсалөмөн 40 во сайын, нөбллі пу пыж да «Ветерок-8» мотор. Сійо пыжыс важон нин сисьмылс, и некутшөм мотор менам абу, но вот перйысь инспекция отарө тшөктө вештыны, сетөма менө весиг судө, и сійо сувтөма инспекция дор. Воліс Кулөмдинсянь повестка, но ме эг лэчыв, сы вөсна мый ог вермы. Меным 81 арөс, отсасө социальной уджалысь. Мед мынны вот перйысьяслөн кабырысь, вешти воом кабала серти ичөтик пенсияысь нинөмабусысь 1080 шайт. А, гапкө, бара на корасны?

Иван ТРЕТЬЯКОВ.

Пожөгдин.

А КАГАЯСӨС КЫТЧӨ?

Во сизим кымын нин быд гождө тшөкөны песни челядьос видзанін. Тшөкисны и таво. Колө гөрныкөдзны, весасыны, мудйысьны, а сөсса воас турун пуктан кад. Чина йоз шуасыны том гозьяс вылө, мый оз видзны скөт, а кытчө нө 2-6 арөса челядтө воштан, тшөкөса кө найос видзанін? Видз вылө аскөд он босьт: лөдз да ном вильодасын, да и лоө повны вөрса пытшысь.

Мудзөны кө десадыс уджалысьяс, позьө найос вежлыныгырьс классысын велөдчысь нывка-ясөн. Гапкө, сёлөм выланьыс воас тайо уджыс да велөдчасны воспитатель?

Кывсө, мый тадзи вөчөмөн видзтөны сьом. Кытчө нө нин видзтөны, кор бать-мам быдторсыс вештысьоны: сідз шусяна көзьяйственнөй да канцелярской товарьясысь, выль вося кулөкысь, дзоньтасысь, быд төлысь асьсө кагаос видзөмысь?

Дзик оз лөсяв олөмыслы кага видзанінтө гождөм кежлө тшөкөмьд. Мед мөвпыштлөны та йылысь кызди сиктса, сідзи и районса юралысьяс.

Альбина КАРМАНОВА.

Немдин.



ОВНЫ АСКИА ЛУНӨ ВИДЗӨДӨМӨН

корис районса юралысь Д.А.Шатохин Носимө да Паспомө волігөн

«Носим» сиктса овмөдчөмин улын Носим сикт да Паспом посёлок. 290 овмөсын олө 636 морт. Кыкнанас эмөсь детсад, фельдшерской пунктъяс, вузасынъяс, шойччанінъяс, Паспомын ичөт классыса школа да Носимын библиотека. Ас овмөсысын видзөны 26 мөс, 16 көза, 3 вөв да 4 порсь. Паспомын уджалө «Норд Вуд Трейд» котырлөн пилораме. Учөт вылын сулалө 27 уджтөмалысь.

Июнь 14-өд лунө районса юралысь Д.А.Шатохин воліс Паспомө да Носимө, медым төдманы, мыйон олөны йөз. Сійо да районса администрацияон веськөдлысьсөс вежысь Е.К.Левченко, администрацияысь экономика да вот юкөнас медшөр специалист Д.П.Тимуршев, республикаса юралысьлөн йөзөс примитан Кулөмдинса юкөнөн веськөдлысь А.А.Кузнецова да Носимса юралысь Е.К.Лодыгина Паспомын медводз ветлісны Е.В.Наймушинлөн пилораме вылө, көні уджалө 25 морт. Төлысьнас вөчө 1,5 сюрс кымын кубометр пиломатериал. Колігъясон мөгмөдө тьөсплакаон администрация-

ос, дон босьтөт сетө олысьяслы гөрбыль.

Адззысьлісны тшөтш клубса, котельнойса, фельдшерско-акушерской пунктса, школаса да десадыс уджалысьяскөд. Клубын эляисны важ стройба да виялысь вевт вылө. Котельнойын, мастер К.В.Кочановлөн висьталөм серти, оз тырмыны запчасьтысь да дзоньтасын материалъяс. Некодлы дзоньтасыны садйын, абу кипотуя уджалысь. Посёлокса вөвлөм ыджыд шөр школаын велөдөны сөмын ичөт классыс, көні 16 нывка да зонка. Джын жырйыс куш. Сөрни муно школа-сад лөсьөдөм йылысь, колө уна сьом. Нинөм вылө эз элясыны посёлокса фельдшерской пунктын, кодөс кыпөдлісны куим во сайын. Татшөмысь районнын сөмын куим. Пытшакас шоньд да югыд. Сөмын бурджык колө уджавны фельдшер Е.В.Римскаялы.

Йөз эляисны, мый посёлок кузя, көть сувтөдөма олөдан пас, ветлөны сьөкыд машинаяс. Эм кытшөла туй, но асыра шофөрыс сәти оз ветлыны, и некод оз кысы кывкутөмө. Эмөсь гортсянь курыд зелляон

вузасысьяс. Лун и вой позьө нөбны сур да донтөм спирт.

Тырмытөмторъяс йылысь сөрни кыптыліс и Носимса садйын да фельдшерской пункттын. Бөрьяыс администрациялөн стройбаса кык жырйын. Фельдшер В.И.Лодыгиналы уджавны дзескыд, колө торйөдны содтөд места.

Унатор колө вөчны десадыс котельнойын. Биысь видзсысьяс унаысь нин олөдлісны веськөдлысь С.В.Ватаманос, весиштрапуйтлісны, но тырмытөмторъяс бырөдөм мөгысь абу сьом. Сәжжө сад колө оз сөмын носимсаыслы. 36 челядь пиысь 17-ыс кулөмдинсалөн.

Сиктса культура керкаын Носимса да Паспомса олысьяслөн чукөртчылгөн кыптылісны нөшта юалөмъяс. Йөз корисны бөр лөсьөдны видз вылө техникаон вуджан пос, кызкө мынтөдчыны борщевикысь, вөчны Носимын көть ичөтик спортзал. Зык кыптыліс трактор вөсна, кодөн водитчө сиктса администрация, но оз быдөдны откодя вичмөд сійос.

Дмитрий Александрович босьтис төдвылө став

норасысь. Сійо висьталіс, мый панасын чорыд тыш лөк спиртөн вузасысьяскөд. Сөрнитөны нин лавка кутысьяскөд, медым эз вузасын спирт сораысьясон челядьлөн учреждениеяс дорын да войся кадө. Администрация корсыс туйяс, медым дугөдны гортсянь курыдторйөн вузасысь.

Д.А.Шатохин корис олөм бурмөдөмө кутчысьны өнджыка аслыныс носимсалы да паспомсалы.

- Вель уна уджтөмалысь, а сәжжө он босьтчөй уджавны ас вылө, котыртөй крестьянской овмөсыс, - төдчөдіс районса юралысь. - Эмөсь республикаса программаяс, кодъяс серти видзөму овмөсын уджалысьяслы сетсө государственьян отсөг. Ас вылө уджалысьяслы отсөг чуктө и районсянь.

Уна гөрөд позьө разыны места вылын. Д.А.Шатохин шуис, мый сиктса администрациялы колө уджавны 2-3 воон водзө видзөдөмөн, водзвыв чөжны сьом ыджыдджыкторъяс вөчөм вылө.

Иван ТАРАБУКИН.

Авторлөн снимокъяс вылын: пилораме дорын; сход вылын.

РАЙОНЛӨН «ЧУЖӨМБАНӨН»

ТОМЛУН

Тавося июнь 15 лунө Дон ты вылын вөлі миян районнын том йөзлысь туйвизь збыльмөдөм кузя семинар. Районса сиктысысь да посёлокъясысь воліс 18 морт - Донысь, Дзоллысь, Зимстанысь, Пожөггысь, Кулөмдинысь, Кужйысь. Томъяс юкисны нелькотыр вылө татшөм туйвизьяс серти: социальной юкөнлы балаяс вөчөм, том йөзлөн котыр-

яскөд уджалгөн интернетө водитчөм, том йөзлөн туйвизь кузя нормативно-правөй база велөдөм, том йөз советьяслөн овмөдчөминъясын коланлун.

Лунся удж бөрүн петкөдчисны социальной балаясөн. На пиысь өти («Видзты асысьд бюджет») эз аттестуйтны. Сійос бөрүнтьис стрөг

судья, районса юралысь Д.А.Шатохин. Районлөн «чужөмбанөн» сувениръяс лэдзөм кузя бала вылө донъяліс районса администрацияысь туризм кузя специалист А.Калиниченко. Тайо балалөн, кодөс вөзйис Самуил Щипунов, шөр мөвпөн лоө, районлөн кольөм кадысь нималанаторъяс босьтөмөн, сувениръяс (кружкаяс, магнитъяс, ручкаяс) лэдзны босьтчөм.

Колө пасыны, мый том йөзлөн семинар вылын вөлі «Коми республикаысь муниципалитетъяслөн котыр» ассоциацияса исполнительнөй дирекцияон веськөдлысь А.Ткаченко.

Оні том йөзлөн районса общественной котырын 63 морт. Кулөмдин районьяс том йөз советлөн радъяс кутасын содны водзө.

(Босьтөма районса администрациялөн сайт вылысь).

